



D^a. YOLANDA AGUIAR CASTRO, CONCELLEIRA-SECRETARIA DA XUNTA DE GOBERNO LOCAL DO CONCELLO DE VIGO

C E R T I F I C O: Que a Xunta de Goberno Local, na **sesión extraordinaria e urxente do 17 de xullo de 2020**, adoptou o seguinte acordo:

4.- APROBACIÓN DO PROGRAMA DE ACTUACIÓNS DAS FESTAS DO NADAL 2020-2021. EXPTE. 7281/106.

Dáse conta do informe-proposta de data 15/07/2020, asinado polo xefe de Área de Servizos Xerais e polo concelleiro-delegado de Festas Especiais, que di o seguinte:

O artigo 25.1 da Lei 7/85, do 2 de abril, das bases de réxime local determina que o municipio, para a xestión dos seus intereses e no ámbito das súas competencias, pode promover actividades e prestar os servizos públicos que contribúan a satisfacer as necesidades e aspiracións da comunidade veciñal e conforme o parágrafo segundo de dito artigo o municipio exercerá competencias propias e, entre outras, en materia de promoción da cultura, da actividade turística de interese e ámbito local e ocupación do tempo libre.

A Área de Parques e Xardíns, Comercio, Distritos e Festas Especiais do Concello de Vigo ten entre os seus principais obxectivos, a través do servizo de Festas Especiais, a programación de festas tradicionais e acontecementos que supoñan manifestacións de valores culturais, históricos e sociais e de tradición popular, con especial consideración das súas características etnolóxicas. Estes eventos revisten unha especial importancia como elementos socializadores e de atractivo turístico, fomentando a dinamización do comercio local e contribuíndo ao movemento económico e a difusión da marca de cidade de Vigo.

E por isto que, dentro da planificación das políticas públicas, como elemento clave da xestión pública e co fin de dotar maior transparencia e publicidade, ordenouse a instrucción do expediente de aprobación da **programación de Festas Especias 2020** (7189/106) remitido con data 13/03/2020 para inclusión da orde do día Xunta de Goberno, non acadando resolución e procedéndose ao seu arquivo, ao non concorrer neste a declaración de excepcionalidade requirida polo Real Decreto 463/2020, do 14 de marzo, para a xestión da situación de crise sanitaria ocasionada polo COVID-19 (modificado polo Real Decreto 465/2020) consecuencia da posterior declaración do Estado de aAlarma e conforme ao indicado na Disposición Adicional Terceira, sobre a suspensión automática da totalidade dos trámites e a interrupción dos prazos para a tramitación dos procedementos das entidades do sector público.

Declarada a situación de pandemia internacional pola OMS o 11/03/2020 e adoptadas polo Goberno do Estado as importantes medidas de contención da crise sanitaria mediante a restrición da mobilidade cidadá, xunto co peche temporal e parcial da economía, atopámonos actualmente cun escenario de recesión económica e social sen precedentes, cun impacto devastador (con caída do



PIB entre o 9% e o 15%) que defire moito na rama económica que estemos considerando, pero que azota de forma máis intensa no sector terciario de servicios (restauración, ocio, hoteis, viaxes, comercio polo miúdo, etc).

Ante o citado cadro económico e social adquire maior importancia a necesidade de contar con plans de recuperación paulatina, novos recursos e solución creativas de reactivación, sendo a vindeira Festividade de Nadal unha boa oportunidade que contribúe á reversión desta situación, na medida que se considera esta nos últimos anos como un dos eventos máis importantes que xera máis atractivo turístico-comercial do ano en Vigo e de recoñecida tradición na cidade.

A dinamización e ambientación das zonas comerciais da cidade nestas datas constitúen elementos clave que contribúen ao impulso da economía, xerando un atractivo que potencia indubidablemente o sector turístico e de ocio. Durante os últimos anos, o Nadal olívico estase a consolidar como unha festa de recoñecido prestixio nacional e internacional.

A aposta do goberno local pola Campaña de Nadal e o seu posterior impacto nos medios de comunicación converteuse nun factor de atracción de visitantes inédito, incrementándose ano a ano o número de viaxeiros, como se pode constatar nos diferentes rexistros dos organismos oficiais. A creación dun espazo temático propio con iluminación, ornamentación, exposicións e actividades de ocio e comercialización constitúe un pilar fundamental do Nadal olívico, baseado na mestura de tradición, socialización e reactivación da economía local, que estende o seu impacto á área metropolitana da cidade e norte de Portugal.

Dende o Servizo de Comercio considérase de cara a unha axeitada planificación do servizo e facilitar a transparencia, así como acadar unha maior representatividade, colaboración e participación cidadá en determinados proxectos, a aprobación do Programa de actuación da Festa de Nadal 2020-2021.

PRIMEIRO. - *Aprobación do Programa de actuación da Festa de Nadal 2020-2021 que se desenvolverá entre novembro 2020 e xaneiro 2021.*

1.- "Cíes Market": mercadillo temático de Nadal e atraccións recreativas.

Cíes Market localizarase e desenvolverase na contorna da Praza de Compostela, rúa Areal e rúa Colón e comprenderá a instalación na vía pública dos seguintes elementos e estruturas que a continuación se indican:

1. *Casetas de venda (50 unidades aproximadamente).*
2. *Noría xigante.*
3. *Atraccións infantís.*
4. *Iluminación, decoración de Nadal e servizos necesarios para o funcionamento.*
5. *Tren turístico.*



Copia do documento - Concello de Vigo

Data impresión: 20/07/2020 10:49

Páxina 2 de 5

Expediente 7281/106

CSV: 22EHE4-8ECC55-3B495A-M9KAF7-Y81ACD-H1

Pode validar e/ou obter copia electrónica do documento utilizando o código QR da esquerda ou o código de verificación na dirección <http://www.vigo.org/csv>



O Concello promoverá o procedemento administrativo mediante a oportuna convocatoria de licenza/autorización de ocupación de dominio pública en réxime de concorrencia pública.

2.- Mercadillo temático de Nadal Príncipe, rúa Londres

O mercadillo localizarase e desenvolverase na contorna da rúa Príncipe-rúa Londres e comprenderá a instalación na vía pública dos seguintes elementos e estruturas.

–Casetas de venda ambulante decoradas coa estética de Nadal (10 casetas aproximadamente).

–Iluminación, decoración e ornamentación acorde coa dita estética.

O Concello promoverá o procedemento administrativo mediante a oportuna licitación da licenza/autorización de ocupación de dominio público en réxime de concorrencia pública.

3.- Mercadillo temático de Nadal Calvario, peonil rúa Urzaiz

O mercadillo localízase e desenvolverase na contorna do Calvario e comprenderá a instalación na vía pública dos seguintes elementos e estruturas:

1. Casetas de venda ambulante decoradas coa estética de Nadal (cun mínimo de 10 casetas).
2. Iluminación, decoración e ornamentación acorde con dita estética.
3. Actividades de animación infantil e actividades de animación de rúa.

O Concello promoverá o procedemento administrativo mediante a oportuna licitación da licenza/autorización de ocupación de dominio público en réxime de concorrencia pública.

4.- Atraccións recreativas

O Concello promoverá o procedemento administrativo mediante a oportuna licitación da licenza/autorización de ocupación de dominio público en réxime de concorrencia pública.

1. Contorna Porta do Sol: ti vivo-carrusel clásico.
2. Praza da Independencia: ti vivo-carrusel clásico.
3. Praza do Progreso: tren infantil con instalación de peche perimetral.
4. Rosalía de Castro, 6-18: pista de xeo.
5. Areal, xardíns González de Haz: pista de xeo aire libre.
6. Parking avenida de Samil (fronte ao número 75): pista de xeo cuberta.
7. Parking avenida de Samil (fronte ao número 75): pista de kars.



Copia do documento - Concello de Vigo

Data impresión: 20/07/2020 10:49

Páxina 3 de 5

Expediente 7281/106

CSV: 22EHE4-8ECC55-3B495A-M9KAF7-Y81ACD-H1

Pode validar e/ou obter copia electrónica do documento utilizando o código QR da esquerda ou o código de verificación na dirección <http://www.vigo.org/csv>

5.- Tren turístico

Co obxecto de potenciar os servizos turísticos con motivo do Nadal considérase de interese posibilitar circuitos turísticos pola cidade mediante a licitación da licenza/autorización do uso de dominio público de trens turísticos.

6.- Outra actividades recreativas

Así mesmo, o Concello ao obxecto de captar proxectos de actividades recreativas preferiblemente de carácter innovador (espectáculos de inverno, atraccións 3D, parques temáticos, obradoiros infantís, atraccións acuáticas, etc.) ambientados no Nadal a desenvolver nos espazos de esparexemento que deseguido se relacionan, promoverá unha convocatoria en réxime de concorrencia ao abeiro do artigo 96 da Lei 33/2003, do 3 de novembro, do patrimonio das administracións públicas para o cal os interesados poderán presentar memoria do proxecto no Rexistro electrónico do Concello no prazo de trinta días hábiles dende o día seguinte a publicación do anuncio correspondente no BOP e no Perfil do Contratista.

- Teis: Praza do mercado, Toural de abaixo, s/nº.
- Bouzas: Praza de Eduardo Cabello e Alameda Suárez Llanos.
- Travesas: Praza Xuíz Orencio Pérez González (rúa A Coruña,9).
- Praza do Berbés.
- Praza de Portugal.
- Coia: Avda Castela, 48-52 (torreiro de festas).

7.- Actividades e espectáculos de animación sociocultural, concertos, circo temático de Nadal e actividades de animación de rúa de promoción pública municipal ou mediante patrocinios privados.

Cada procedemento desenvolverá as condicións técnicas e administrativas a través dos pregos correspondentes. Todos os procedementos contemplados neste programa de actuación publicaranse no BOP, no Portal de Transparencia e na páxina web do Concello de Vigo, tras a súa aprobación por parte do órgano competente.

SEGUNDO.- Publicar o presente acordo no Portal de transparencia

Acordo

A Xunta de Goberno local aproba a proposta contida no precedente informe.



Copia do documento - Concello de Vigo

Data impresión: 20/07/2020 10:49

Páxina 4 de 5

Expediente 7281/106

CSV: 22EHE4-8ECC55-3B495A-M9KAF7-Y81ACD-H1

Pode validar e/ou obter copia electrónica do documento utilizando o código QR da esquerda ou o código de verificación na dirección <http://www.vigo.org/csv>



Concello de Vigo

E para que así conste e produza os seus efectos, emito a presente certificación coa salvedade do artigo 206 do Regulamento de organización, funcionamento e réxime xurídico das entidades locais, de orde do Excmo. Alcalde, en Vigo na data da sinatura dixital.

CCA/me.

V. e Pr.

O ALCALDE,
Abel Caballero Álvarez.



Copia do documento - Concello de Vigo

Data impresión: 20/07/2020 10:49

Páxina 5 de 5

Expediente 7281/106

CSV: 22EHE4-8ECC55-3B495A-M9KAF7-Y81ACD-H1

Pode validar e/ou obter copia electrónica do documento utilizando o código QR da esquerda ou o código de verificación na dirección <http://www.vigo.org/csv>